



SAKSFRAMLEGG

Sakshandsamar: Marianne Soleng	Arkivkode: FE-010
Arkivsaksnr: 22/73	Løpenr: 23/4938
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	013/2023

Val av medlemmar og varamedlemmar til røystestyra - Kommunestyre- og fylkestingsvalet 2023

25.05.2023 Valstyret:

Handsaming i møtet:

Ei liste med forslag frå rådmannen til medlemmer og varamedlemmer i røystestyra vart delt ut i starten av møtet.

Rådmannen sitt framlegg vart samrøystes vedteke.

VAL- 013/2023 Vedtak:

Valstyret peiker ut medlemmar og varamedlemmar til røystestyra i dei ulike valkrinsane ved kommunestyre- og fylkestingsvalet 2023 slik forslaget viser.

Dersom nokon av personane som er peika ut som medlem trekkjer seg, går varamedlem inn som medlem. Lista over varamedlemmane er sett opp i prioritert rekkjefølgje.

Valansvarleg får fullmakt til å supplera med nye medlemmar og varamedlemmar i røystestyra dersom det er naudsynt.

Rådmannen sitt framlegg til vedtak:

Valstyret peiker ut medlemmar og varamedlemmar til røystestyra i dei ulike valkrinsane ved kommunestyre- og fylkestingsvalet 2023 slik forslaget viser.

Dersom nokon av personane som er peika ut som medlem trekkjer seg, går varamedlem inn som medlem. Lista over varamedlemmane er sett opp i prioritert rekkjefølgje.

Valansvarleg får fullmakt til å supplera med nye medlemmar og varamedlemmar i røystestyra dersom det er naudsynt.

Dokument som er vedlagt:

Dokument som ikkje er vedlagt:

Valgloven med forskrift

Saksopplysningar:

Bakgrunn for saka:

For kvart val skal det oppnemnast eit røystestyre med minst tre medlemmer i kvar røystekrins, jf. Vallova §4-2. Røystestyra skal administrera røystegjevinga i vallokalet på valtinget.

I valstyret si sak 005/2023 vart det vedteke at det skal leggjast fram liste med seks kandidatar til kvart røystestyre i Samnanger.

Det skal veljast røystestyre i følgjande tre valkrinsar: Nordbygda, Tysse og Gjerde.

Vurderingar og konsekvensar:

Det må i følgje regelverket minimum vera 3 medlemmar i røystestyret i ein valkrins. Dersom det er naudsynt er det høve til å ha fleire valmedarbeidarar i røystelokala som hjelper til på valdagen.

Valansvarleg har i samråd med leiaren i valstyret sett opp eit forslag til samansetnad av røystestyra. Forslaget vert delt ut i møtet.

Det er etter vallova ikkje krav om at medlemmane i eit røystestyre må vera busette i den aktuelle røystekrinsen, men i Samnanger har det vore tradisjon for å velja personar busette i krinsen. Dette er også lagt til grunn i forslaget.

Tilsette i servicesenteret kontaktar alle personane som er på lista pr. telefon med spørsmål om dei ønskjer å stilla til val i røystestyra. Dette for å unngå at ein vel personar som ikkje har høve til å stilla på valtinget.